

Tsela eo ka yona SARS e fetotseng tlaleho ya maemo a boikobelo ba tefo ya lekgetho ka teng ha ho fetisetswa matlole mose

Tshwane, 3 Motsheanong 2023 – Ditshebeletso tsa Lekgetho tsa Afrika Borwa (SARS) di lakatsa ho fana ka tsa moraorao tjena mabapi le taba ya Maemo a Nnetefatso ya Lekgetho. Maemo a Nnetefatso ya Lekgetho (TCS) a nako ya ho feta haesale a sebetsa ho tloha ka Mmesa 2016 mme ho sebetsanwe le palo e kgolo le entseng e hola ya balefalekgetho ba batlang nnetefatso ya mekga ya boraro, ho akareditswe le Alawense ya Matsete a Matjhabeng le Bofalli, ho ile ha hlokeha hore ho be le dintlafatso tsa mokgwatshebetso ho etsa hore dintho di be bonolo le hore di potlake. Hodima moo, ho latela tsebiso ya ho fediswa ha bofalli jwalo ka mokgwa wa taolo ya phapanyetsano ka 2020, Banka ya Riseke ya Afrika Borwa (SARB) e tlositse tlhokeho ya hore ho etswe kopo ya bofalli ba ditjhelete (kopo ya MP336). Sena se entse hore ho be le diphetoho metjheng le diforomong tsa SARS.

Mokgwatshebetso o ntlafaditsweng wa TCS o ile wa qala ho sebetsa ka la 24 Mmesa 2023 ho latela dipuisano le barekisi ba tjhaetsweng monwana mmoho le SARB. Ona o tshehetsa maikemisetso a mawala a SARS a ho etsa hore balefalekgetho ba nolofallwe ke boikobelo ba tefo ya lekgetho. Ona o boela o tiisa nnetefatso ena ya TCS Mmusong, makaleng a praevede, le lepatlelong la balefalekgetho ka bonngwe ba bona, ka boithaopo kapa ka molao. Le ha sena se tla nolofalla balefalekgetho ba ikobelang tefo ya lekgetho, sena se tla thatafalletsa balefalekgetho ba sa batleng ho ikobela tefo ya lekgetho. Mokgwatshebetso o ntlafaditsweng wa TCS o boela o ikemiseditse ho ntlafatsa haholo dinako bakeng sa balefalekgetho le bahwebi ba ikobelang tefo ya lekgetho.

Lesedi la tlatsetso le koptjwang Kopong ya Ho tjhaelwa Monwana bakeng sa Phetiso ya Matjhabeng (AIT), le dumella SARS ho netefatsa hore lekgetho lohle le lokelang ho leshwa le feela le lefilwe, mme ebang ho hlokeha, ho shejanwe le ho se ikobele ho ka fumanwang ebang ho ka etswa nnetefatso kapa oditi. Ena ke karolo ya leeto la SARS la sekwalekwale le tlisang tshwano maikemisetso a rona a mawala le boikobelong ba tefo ya lekgetho ka boithaopo.

Ha ho hlokehe TCS bakeng sa diphetiso tsa selemo ka seng tsa ho fihla ho R1 million. SARS e kgolwa hore balefalekgetho ba etsang dikopo tsa selemo ka seng tse fetang alawense e behilweng ya R1 million, ke balefalekgetho ba tshopodi bao ka tlwaelo ba lokelang ho ba le direkoto tsa ditjeo tsa sethatho tsa thepa tsena tsa bona. Sena se akaretsa thepa tsa bona tse sa tsamayeng tsa lehae le tsa matjhabeng, matsete a lenaneng la diabo / le a seng lenaneng la diabo, thepa tsa khripto le ditjhelete tse bankeng hara tse ding tse mmalwa. Ebang molefalekgetho a se na mofuta o itseng wa thepa, o tla kenya seo e le ha ho letho (zero) karolong e mabapi le sekoloto sa thepa foromong ya kopo.

SARS e phatlaladitse tataiso e felletseng e mabapi le diphetoho tsena mme yona e ka fumanwa ka ho etela websaete ya SARS ka ho sebedisa kgokanyo e latelang <https://www.sars.gov.za/gen-elec-08-g01-guide-to-the-tax-compliance-status-functionality-on-efiling-external-guide/>.

SARS e boetse ya phatlalatsa tataiso ya moraorao tjena ya ditokomane tse hlokehang bakeng sa dikopo tsa AIT bakeng sa balefalekgetho ka bonngwe ba bona ka ho sebedisa kgokanyo e latelang <https://www.sars.gov.za/individuals/manage-your-tax-compliance-status/supporting-documents-for-obtaining-approval-international-transfers/>.

Ho fumana lesedi le fetang lena, ka kopo ikopanye le SARSMedia@sars.gov.za.

KE PHETHO